

The Electronic *Manipulus florum*
www.manipulusflorum.com

Caritas o
cum fonte primo

Caritas ad cuncta uirtutum facta dilatatur
que a duobus preceptis incipit,
sed se ad innumera extendit.
Huius caritatis inicium est dilectio Dei
et proximi,

Sed haec eadem lex multiplex dicitur,
quia studiosa sollicitudine
caritas ad cuncta uirtutum facta dilatatur.
Quae a duobus quidem preceptis incipit,
sed se ad innumera extendit.
Huius namque legis inicium dilectio Dei est
ac dilectio proximi.

Gregorius Magnus, *Moralia in Iob*, 10.6
(CCSL 143, M. Adriaen ed., p.539,
ll.52-56).

quia
per amorem Dei amor proximi gignitur,
et per amorem proximi amor Dei nutritur;
nam qui Deum amare negligit,
profecto proximum diligere nescit.

Quia autem duo sunt praecepta caritatis,
Dei uidelicet amor et proximi,
per amorem Dei amor proximi gignitur,
et per amorem proximi Dei amor nutritur.
Nam qui amare Deum negligit,
profecto diligere proximum nescit;
et tunc plenius in Dei dilectione proficimus,
si in eiusdem dilectionis gremio prius
proximi caritate lactamur.

Gregorius libro X. moralium.

Gregorius Magnus, *Moralia in Iob*, 7.24
(CCSL 143, M. Adriaen ed., p.352, ll.5-11).